



TOLOSAKO
UDALA

GOBERNU BATZARRA

2018.06.18

Alkatea:

Olatz Peon Ormazabal

Zinegotziak:

Patxi Amantegi Zubiria
Nerea Letamendia Belloso
Jokin Azkue Arrastoa
Iñigo Alonso Sarasibar

Tolosako Udaletxean, bi mila eta hemezortziko ekainaren hemezortzian, 8:00etan, Tokiko Gobernu Batzarra bildu da ohiko bilera egiteko. Mahaiburua alkatea izan da, eta alboko zinegotziak agertu dira, eguneko gai-zerrenda aztertzeke.

1. - Aurreko akta onartzea.
2. - Onartzea Azken Muga elkartearen 2017ko diru-laguntzaren zuriketa.
3. Onartzea Harituz Tolosaldeko Bertsozale Elkargunea elkarteari diru-laguntza izenduna emateko hitzarmena.
4. Onartzea Al-Quds-Jerusalen Palestinaren aldeko elkarteari diru-laguntza izenduna emateko hitzarmena.
5. 30/2018 faktura-zerrendak.

Idazkaria:

Begoña Garmendia Vazquez

Kontuhartzailea:

Ainhoa Molinos Zubiaurre

1. AURREKO AKTA ONARTZEA.

Alkateak bilerari hasiera eman ondoren, 2018ko ekainaren 11n egindako batzarraren akta aztertu dute. Batzarkideek aho batez onartu dute akta.

2. ONARTZEA AZKEN MUGA ELKARTEAREN 2017KO DIRU-LAGUNTZAREN ZURIKETA.

Aurrekariak

Azken Muga elkarteak 2017ko egitasmoa aurkeztu zion Tolosako Udalari maiatzaren 13an.



TOLOSAKO
UDALA

Tolosako Udalak Azken Muga elkartearentzat 4.000 euroko diru-laguntza izenduna onartu zuen 2017ko aurrekontu orokorretan, 0800480133410 partidan.

Gobernu Batzarrak Azken Muga elkartearen egitasmoa onartu zuen 2017ko e kaineren 12an.

Tolosako Udalak eta Azken Muga kultur elkarteak hitzarmena sinatu zuten 2017ko uztailaren 27an.

2017ko abuztuaren 2an, 3.000 euroko aurrerakina egin zitzaion Azken Muga elkarteari, hau da, dirulaguntzaren % 75.

2018ko urtarritaren 31n aurkeztu zuen Azken Muga elkarteak diru-laguntzaren zuriketa. Dokumentazioa falta zenez, errekerimendua bidali zitzairen osa zezaten, 2018ko martxoaren 15ean.

Errekerimendu horri apirilaren 6an erantzun zioten. Jakinarazi zitzairen eskatutako dokumentuen artetik ogasuneko ordainketetan egunean egoteko ziurtagiria falta zutela.

Maiatzaren 29an aurkeztu zuten zerga-betebeharrak betetzen dituela dioen ziurtagiria.

Azalpena

Jarduerari buruzko memoriak ondo islatzen du egitarauaren garapena zein izan den. Informazio grafikoa eta literarioa ondo osatuta eta aurkeztuta dago.

Gastuen zerrenda behar bezala aurkeztu dute. Balantze ekonomikoa ondo dago.

Ogasun eta Gizarte Segurantzako agiriak onargarriak dira.

Fakturen artean "Et Incarnatus" orkestraren 6.000 euroko faktura originala dago, 4.000 euroko diru-laguntzaren baliotik gorakoa.

Egitasmoan gastuen aurreikuspena 116.100 eurokoa zen; zuriketean, ordea, 30.245 euroko gastua egin dela adierazten da. Nolanahi ere, ebatzitako diru-laguntza gastu maila honekin nahikoa justifikatuta dagoela jotzen da.



TOLOSAKO
UDALA

Horiek horrela, Udal teknikariaren proposamena aztertu ondoren, Gobernu Batzar honek, aho batez eta alkateak emandako ahalmenez baliatuta,

ERABAKI DU

LEHENA.- Ordaintzea Azken Muga elkarteari 2017ko diru-laguntzari izendunari dagokion % 25a, hau da, 1.000 euro.

BIGARRENA.- Erabaki honen berri ematea Kontuhartzaitzari eta Kultura, Festak eta Gazteria Departamentuari.

3. ONARTZEA HARITUZ TOLOSALDEKO BERTSOZALE ELKARGUNEA ELKARTEARI DIRU-LAGUNTZA IZENDUNA EMATEKO HITZARMENA.

AURREKARIAK:

Tolosako Udaleko Kultura, Festak eta Gazteriako zerbitzuburuak, 2018ko martxoaren 22an egindako txostenean, interesekotzat jotzen du aipatutako Elkarteari diru-laguntza izenduna ematea.

Guztira, 6.000 euroko diru-laguntza planteatu du.

Izan ere, egitasmoaren azterketa egin ondoren, ekimen berak duen balio kulturalaren balorazioa eta Tolosarentzat zentzu guztietan suposatzen duen onura frogatu ondoren, Tolosaldeko Bertsozale Elkargunea elkarteari aipatutako diru-laguntza ematea proposatu du teknikariak eta txosten juridikoa eskatu du.

AZTERKETA JURIDIKOA

1.-Oinarri juridikoa eta udalaren eskumena Toki-Administrazioaren Arrazionalizazioa eta Iraunkortasuna arautzen dituen abenduaren 27ko 27/2013 Legea indarrean sartu ondoren, aipatu Administrazioaren Araubidearen Oinarriak arautzen dituen apirilaren 2ko 7/1985 Legearen eskuduntzen sistema aldatu egin zen. Zehazki, ondoko aldaketa hauek eragin zituen lege berriak:

- Udal eskumenen sailkapena egin zituen: udalen eskumenen artean berezkoak, delegatuak, eta bestelakoak bereizi ditu lege berriak.



TOLOSAKO
UDALA

- Udalen berezko eskumenen gaiak murriztu egin ditu.
- Udalen eskumenen egikaritzea ekonomia eta finantza jasangarritasunaren irizpideen menpe jarri ditu.

Era honetan, Toki Araubidearen Oinarriak arautzen dituen apirilaren 2ko 7/1985 Legearen 25. artikulua 2. atalari idazketa berria eman zion Arrazionalizazio lege horrek, eta gaitzerrenda bat osatu zuen, non udalek berariazko eskumenak egikaritu baitzituzten. Gai horien artean, 25.2 artikulua m) atalak udalek, besteak beste, "Kultura sustatzea eta kultur ekipamenduak" arloan eskumenak beteko dituztela xedatzen du, betiere, Estatu eta Autonomia Erkidegoko legedian ezarritako moduan.

Euskal Autonomia Erkidegoko tokiko entitateei aplikagarria zaien Euskadiko Toki Erakundeei buruzko apirilaren 7ko 2/2016 Legearen 17. artikulua udalerrien eskumen propioak arautzen ditu eta horiek zein esparru materialetan erabili ahal izango dituzten eskumen propioak zehazten ditu; 17.1.20. artikulua arabera udalerriek, besteak beste, ondorengo esparru material hauetan erabili ahal izango dituzte eskumen propioak: "kultura eta kultura-jarduerak antolatzea eta sustatzea eta erabilera publikoko kultura ekipamenduak kudeatzea".

Era berean, Lege honek, bere 7. artikuluan "Toki-erakundeen eta udalen eskumenak euskararen erabilerrari dagokionez" atalean ondorengo dio, bere 2. apartatuan: "Era berean, Udalei izendatzen zaie, eskumen propio gisa, hartatik eratoritzen diren ahalmen eta funtzioekin, bere lurralde eremuan euskararen ezagutza sustatzeko eta erabilera dinamizatzeko eskumena, horretarako zerbitzuak eta jarduerak zuzenean antolatuz, edo beste pertsona edo erakunde batzuek **euskara sustatu eta dinamizatzeko aldera burutzen dituzten jardueren finantzaketan lagunduz.**

2. Udalaren sustapen-neurriak eta diru laguntzak. Prozedura:

Toki-Korporazioen Zerbitzuen Erregelamendua arautzen duen 1955eko ekainaren 17ko Dekretuaren 24. eta hurrengo artikuluek udalen sustapen-egintza onartu eta xedatzen dute, horien barruan diru laguntzak emateko ahalmena onartzen zaielarik. Bestaldetik, era orokorrean, herri-administrazioen laguntzak ondoko hiru araudi nagusi hauek arautzen dituzte:

- Azaroaren 17ko 38/2003 Lege Orokorra
- Lege hori garatzen duen 2006ko uztailaren 21eko Erregelamendua
- Tolosako Udalaren eta bere erakunde publikoen diru-laguntzen ordenantza orokorra.

Arautegi horien arabera, diru-laguntzak emateko prozedura arrunta norgehiagoka bidezkoa da.

Halere, **zuzenean eman daitezke** honako diru-laguntza hauek:



a) Toki-entitateen aurrekontu orokorretan aurreikusitako diru-laguntza izendunak, diru-laguntza horien hitzarmenetan eta araudian jasotako baldintzetan.

Hauexek dira toki-entitateen aurrekontuetako diru-laguntza izendunak: helburua, aurrekontu-zuzkidura eta onuraduna zehaztuta dituztenak aurrekontuaren gastuen orrian.

b) Lege-mailako arauen ondorioz administrazioari ezartzen zaizkion diru laguntzak edo zenbatekoak; diru-laguntza hauek emateko, arauaren beraren arabera aplikatu beharreko prozedura jarraitu beharko da. Bestalde, diru-laguntza hauek erregulatuko dituzte lege-mailako arau horrek berak eta dagokion administrazioari berariaz aplikatu beharrekoak direnek.

c) Salbuespenez, honako diru-laguntza hauek eman daitezke zuzenean: interes publiko, sozial, ekonomiko edo humanitariokoak tarteko direla justifikatzen dutenak eta halako laguntzak emateko deialdi publiko bat egitea ezinezkoa dela ere justifikatzen dutenak justifikazio arrazoituaren eta agiri bidezko memoriaren bidez.

Diru-laguntzak eman aurretik, onartuta egon behar dute haien oinarri erregulatzailerak ezartzen dituzten arauak.

Legeriaren arabera, aurrekontuetan aurreikusitako diru-laguntza izendunen kasuan, diru-laguntza emateko egintza edo hitzarmena bera diru-laguntzak emateko oinarri arautzailatzat joko da; era berean, hitzarmenak diru-laguntzen Lege Orokorreko 28.3 artikuluko elementuak jaso beharko ditu¹.

Diru-laguntza zuzenean emateko prozeduraren oinarritzko ezaugarria da ez dela exijitezkoa publizitatearen eta norgehiagokaren printzipioak betetzea, eta lehen aipatu bezala, Legean aurreikusitako kasu horietan soilik aplikatu daitezke. Hori bai, kontuan izan behar da ematen diren diru-laguntza guztiak haien datu-basera bidali behar direla (BDNS-Banco de Datos Nacional de Subvenciones), egintza erregistragarriak gertatu

¹ 887/2006 Errege Dekretua, uztailaren 21ekoa, azaroaren 17ko 38/2006 diru-laguntzen Lege Orokorren erregelamendua onartzen duena; 65.3 artikulua, bigarren paragrafoa; 67.2 artikulua, bigarren paragrafoa.

38/2003 Lege Orokorra, diru-laguntzei buruzkoa, 28.3 artikuluan agertzen den Errege Dekretua.



ahala bidali ere, eta helarazi behar direla egintza gertatu eta hurrengo hilabete naturala bukatu baino lehen².

Era berean, kontuan izan behar da ondorengo betebeharrak hau ere³: Subentzio edo laguntza publiko batek deialdia egitea ez badu derrigorrezko, hura ematen duen organoak BDNSn erregistratu beharko ditu datu egituratuak, honako epe hauetan: xedapen arautzailea argitaratu eta berehala, baldin eta subentzioak edo laguntzak hartzaile zehazturik ez badu; eta ematen den momentuan, gainerako kasuetan. SNPS-DPSNk (Sistema Nacional de Publicidad de Subvenciones-Diru-laguntzen Publizitate Sistema Nazionala) berehala egingo du datu horien publizitatea, eta ez da aplikagarria izango 72 orduko epea, bosgarren xedapenean ezarrita dagoena; era berean, ez da beharrezkoa estraktua aldizkari ofizialean argitaratzea.

Xehetasunean, Legedi hau aplikatu behar da:

- Diru-laguntzen udal ordenantza. Kasu honetan, diru-laguntza izendunak udal ordenantzako 13.3,a eta 18-22 artikuluek arautuko dituzte.

- 7/1985 Legea, apirilaren 2koa, toki-araubidearen oinarriak arautzen dituena; 21., 22., 25. eta 72. artikulua.

- 1955eko ekainaren 17ko Dekretua, toki-korporazioen zerbitzuen araudia onartzen duena; II. Titulua.

- 38/2003 Lege Orokorra, azaroaren 17koa, diru-laguntzei buruzkoa; 9.2, 22.2, 28., 30. eta ondorengoak.

- 38/2003 Lege Orokorraren Erregelamendua; 55., 65., 66. eta 67. artikulua. Erregelamendu hori uztailaren 21eko 887/2006 Errege Dekretuaren bidez onartu zuten.

- Estatuko Administrazioiko Interbentzio Orokorraren Ebazpena, 2015eko abenduaren 10ean emana. Horren bidez arautzen da zer prozesu jarraitu behar den Diru-laguntzen Publizitate Sistema Nazionalan (SNPS) subentzio eta laguntzen deialdien erregistroa eta publizitatea egiteko.

2 Diru-laguntzei buruzko 38/2003 Lege Orokorreko 20.8.b artikulua, ondorengo honetan garatua: Estatuko Administrazioiko Interbentzio Orokorraren Ebazpena, 2015eko abenduaren 9koa; 4.2 artikulua.

3 Estatuko Administrazioiko Interbentzio Orokorraren Ebazpena, 2015eko abenduaren 10ekoa; seigarren artikulua.



TOLOSAKO
UDALA

— Estatuko Administraziooko Interbentzio Orokorraren Ebazpena, 2015eko abenduaren 9an emana. Horren bidez arautzen dira Diru-laguntzen Datu-Base Nazional berriari eman beharreko informazioaren edukia eta maiztasuna.

----40/2015 Legea, urriaren 1ekoa, Sektore Publikoaren Araubide Juridikoa arena. Konkretuki, 47-53 artikuluetan zehaztutakoa. Batez ere, kontutan hartu behar da 48.7 artikulua dioena: "Cuando el convenio instrumento una subvención deberá cumplir con lo previsto en la Ley 38/2003, de 17 de noviembre, General de Subvenciones y en la normativa autonómica de desarrollo, que en su caso, resulte aplicable.

Prozedura, normalean, ofizioz hasiko da. Horretaz gain, prozedura ofizioz edo interesdunak eskatuta hasiko da, kasu hauetan: aurrekontuetan aurreikusitako diru-laguntza izendun bat eman behar denean, eta lege-mailako arauen ondorioz administrazioari ezartzen zaion zuzeneko diru-laguntza bat eman behar denean, baldin eta entitate emailearen eta onuradunen artean hitzarmena sinatu behar bada.

Zuzeneko diru-laguntza emateko prozedura orokorra honako hau da:

A. Departamentuko arduradunak egiaztatu behar du diru-laguntza eskaerak ondoko baldintzak betetzen dituela:

-Eskatzailea den Elkarteen Erregistroan inskribatuta dagoela, eta bere ordezkaria .

-Elkartearen Estatutuetan arautzen den xedea bat datorrela diruz lagunduko diren jarduerekin.

-Elkartea egunean dagoela bere betebeharretan, Gizarte Segurantzarekin eta Ogasunarekin.

-Eskatzaileak erantzukizunpeko aitortpena aurkeztuko du, dirulaguntza jasotzeko inolako debekurik edo bateraezintasunik ez duela, eta dagokion ordenantzak xedaturiko baldintzak betetzen dituela adieraziz.

Halaber, eskatzaileak zehaztu behar ditu bere eskaeraren jarduerak eta aurrekontua.

Arduradunak txostena egingo du, goian azaldutakoa egiaztatuz. Bestalde, txosten hori egingo du jakiteko ea aurrekontuan diru-izendapenik badagoen edo ez diru-laguntza izendun hori emateko.



TOLOSAKO
UDALA

Era berean, diru-laguntzen udal ordenantzako 20.2.b artikulua dio Kontuhartzaitzaren txostena behar dela.

B. Gobernu Batzarrak erabakia hartuko du.

C Hitzarmena formalizatuko da; bertan jasoko dira emakidadunak dituen betebeharrak eta konpromisoak diru-laguntza aplikatzeko eta justifikatzeko.

D. Ebazpenaren berri emango zaie interesatuei, legeriak agindu bezala eman ere⁴.

E.-Iragarkia Diru-laguntzen Publizitate Sistema Nazionalera igorriko da .Baita gardentasun atarira ere.

F. Diru-laguntza jasotzeko, dokumentazioa aurkeztu behar da haren aplikazioa justifikatzeko. Oinarrietan jasota egongo da zer dokumentazio eskatu.

Prozedurari dagokionez, araututa daude berezitasun batzuk, diru-laguntza motaren arabera⁵. Hori dela eta, hauexek izan behar dira kontuan:

Aurrekontuetan aurreikusitako diru-laguntza izenduna eman behar bada, ebazpenak edo, hala badagokio, hitzarmenak puntu hauek jaso behar ditu⁶:

- Zehaztu behar da diru-laguntzaren eta haren onuradunen helburua, aurrekontuko diru-izendapenaren arabera.
- Zer aurrekontu-kredituari egotziko zaion gastua eta diru-laguntzaren zenbatekoa, banan-banan, baldin eta onuradun bat baino gehiago badira.
- Diru-laguntza horren bateragarritasuna edo bateraezintasuna helburu bereko beste diru-laguntza, laguntza, diru-sarrera edo baliabideekiko, Estatuko edo Europar Batasuneko edozein administrazio, ente publiko edo pribatuena izan, nazioarteko erakundeena izan.
- Epeak eta moduak diru-laguntza ordaintzeko; ordainketa aurreratzeko edo konturako ordainketak egiteko aukera; onuradunek jarri beharko bermeen arauak.
- Epea eta moduak onuradunak justifika dezan diru-laguntzak bete duela zeukan helburua, eta nola erabili diren jasotako diruak.

4 39/2015 Legea, urriaren 1ekoa, Herri Administrazioen Administrazio Prozedura Erkidearena; 40. eta 41. artikulua.

5 887/2006 Errege Dekretua, uztailaren 21ekoa, azaroaren 17ko 38/2003 Lege Orokorraren Erregelamendua onartzen duena.

6 887/2006 Errege Dekretua, uztailaren 21ekoa; 65.3 artikulua.



TOLOSAKO
UDALA

Gainera, kontuan izango dira Udal Ordenantzako 18.3 artikuluan jasotako puntuak.

3.-Organo eskuduna: Gobernu Batzordea. Horrela dio 2015/1.278 Alkate Dekretuak "Gobernu Batzarrarengan eskuordetzea ondorengo eskuduntzak: "Diru-laguntzak eta laguntzak, konkurrentzia prozeduraren bidez ematen direnak, salbu Gizarte Ongizateko arautuak"

Beraz, bukatzeko:

Harituz Elkarteak betetzen ditu diru-laguntza izenduna jasotzeko baldintzak.

Aurreko guztia kontuan izanik eta udal teknikariak egindako proposamena aztertu ondoren, Gobernu Batzar honek, aho batez eta alkateak emandako ahalmenez baliatuta,

ERABAKI DU

LEHENA.- "Harituz Tolosaldeko Bertsozale Elkargunea elkarteari diru-laguntza zuzena ematea, 6.000 euro, 2018ko aurrekontuetako 0800.481.01.33410 partidaren kargura.

BIGARRENA.- Onartzea Tolosako Udalaren eta Harituz Tolosaldeko Bertsozale Elkargunea elkartearen arteko hitzarmena, ondoko klausulen arabera:

Lehena: Xedea.

Hitzarmen honen helburua da Tolosako Udalaren eta Harituz Tolosaldeko Bertsozale Elkargunea elkartearen arteko lankidetzarako eremu egonkor bat ezartzea Tolosako udalerriaren barruan.

Bigarrena: Diruz lagundu daitezkeen jarduerak.

Hitzarmen honen eremuan honako jarduera hauek sartzen dira:

- Bersotruk: Euskal Herri mailako bertso-eskoletako ikasle helduak elkar ezagutzeko topaketa.*
- Pello Mari Otaño bertso paper lehiaketa*
- Gipuzkoako Bertso Eskolen Eguna*
- Bertso Eskolak. Astearte eta ostegunetan, Abastos gunean eta Laskorain ikastolan.*



TOLOSAKO
UDALA

- Bertso eskoletako ikasleen saioa
- Sanjoanetako bertsolari saioa

Hirugarrena: Diruz lagundutako jardueren finantziazioa.

Tolosako Udalak hartuko du parte hitzartutako jardueren finantzaketan diru-laguntza baten bidez. 2018ko ekitaldian, aurrekontu-baliabide horiek 6.000,00 eurokoak izango dira, 0800.481.01.33410 Udal Aurrekontuetako partidaren kargura; dena dela, diruz lagundutako elkarteak beste Erakunde batzuen diru-laguntzak ere jaso ditzake.

Entitate onuradunak aurkeztu duen diruz lagundu beharreko jardueraren aurrekontua, edo hari aurkeztu ondoren egindako aldaketak, erreferentzia gisa erabiliko dira diru-laguntzaren zenbatekoaren azken zehaztapena egiteko, kasu horretan, ulertuko da diruz lagundutako jarduera osorik exekutatzeko behar den finantzaketaren diferentzia pertsona edo entitatearen kontura geratzen dela, finantzaketa publikoa, halakorik bada, itzuli behar delarik jarduera horren kostu osoa gainditzen duen kopuruan.

Diru-laguntza hau bateragarri izango da helburu bereko beste diru-laguntza, laguntza, sarrera edo baliabide batzuekin, edozein administrazio edo entitate publiko edo pribatu nazionaletatik, Europar Batasunetik edo nazioarteko erakundeetatik datozenak, kalterik egin gabe honekin batera dauden diren beste diru-laguntzak erregulatzeko araudiak horri buruz agindu dezakeenari.

Gerta daitezkeen aldi bereko finantzaketa-kasuak honako baldintza hauek bete beharra daukate:

a) Emandako diru-laguntzaren zenbatekoak ezin du inola ere gainditu, beste diru-laguntza, laguntza, sarrera edo baliabide batzuekin batera, diruz lagundutako proiektu edo jardueraren kostua.

Muga hori betetzen dela egiaztatzeko, egindako gastu osoa justifikatu behar da eta justifikatzeko kontuak jaso behar du diruz lagundutako jarduera finantzatu duten beste sarrera edo diru-laguntzen zerrenda zehatz bat, zenbatekoak eta beren jatorria adierazita daudela.

b) Finantzazioan soberakin bat gertatuko balitz proiektu edo jardueraren kostuarekiko, onuradunak itzuli egin beharko luke, berandutza-interesekin batera, dagokion justifikazioari ordainketa-gutunak erantsita. Soberakina itzuliko zaie diru-laguntzak eman dituzten entitateei, entitate horietako bakoitzak emandako diru-laguntzen proportzioan.

Hala ere, baldin eta Tolosako Udala bada finantzaketa-soberakinaz ohartu dena, exijituko du soberakinaren zenbateko osoa itzultzeko, berak emandako diru-laguntzaren mugaraino.

Diru-laguntzak elkarrekin bateraezinak izateak ez du galaraziko biak eskatzea, bai, ordea, biak batera jasotzea.

Laugarrena: Indarraldia.

Hitzarmen honek 2018ko urtarrilaren 1etik abenduaren 31ra arte izango ditu ondorioak. Emandako diru-laguntza behar bezala erabili dela justifikatu behar zaio Kultura, Festal eta



gazteria departamentuari, Tolosako Udalaren eta bere Erakunde Publikoen diru-laguntzen Ordenantza Orokorrek xedatutakoaren arabera.

Bosgarrena: Diru-laguntza jaso dezaketen gastuak.

Diru-laguntza jaso dezaketen gastutzat hartzen dira, indarrean dagoen legeriaren eta Tolosako Udalaren eta bere Erakunde Publikoen diru-laguntzen Ordenantza Orokorren aurreikuspenen esparruaren barruan, baldintza hauek betetzen dituztenak: batere zalantzarik gabe lagundutako jardueraren izaerarekin bat etortzea; deialdian, hitzarmenean edo emakida-ebazpenean ezarritako epearen barruan egitea; beren eskuraketa-balioa merkatuko balioa baino handiagoa ez izatea; eta, deialdian, hitzarmenean edo ebazpenean espresuki kontrakoa xedatu ezean, justifikatzeko epea bukatu aurretik egiaz ordaintzea.

Bakar-bakarrik onartuko dira diru-laguntza eman edo hitzarmena onartutako urtearen barruan sortzen diren gastuak.

Diru-laguntza jaso dezakeen gastuaren zenbatekoa handiagoa bada kontratu publikoen gaineko legerian kontratu txikirako ezarritako zenbatekoak baino, pertsona onuradunak gutxienez hiru hornitzailearen eskaintzak eskatu beharko ditu. Hori ez da beharrezkoa izango baldin eta, diru-laguntza jaso dezaketen gastuen ezaugarri bereziengatik, merkatuan ondasun edo zerbitzuok egin, eman edo hornitzen dituen hainbeste entitaterik ez badago, edo gastua diru-laguntza eskatu baino lehen egin bada. Alderdi horiek ziurtasun osoz justifikatu beharko dira.

Aurkeztutako eskaintzak aurkeztu behar dira edo justifikazioan edo, hala badagokio, diru-laguntzarako eskabidean. Proposamen ekonomikorik onena aukeratzeko ez denean, espresuki justifikatu beharko dira, memoria baten bidez, erabili diren irizpideak.

Gutxienez hiru hornitzaileen eskaintzak aurkeztu ez badira edo aukeratu bada, behar bezala arrazoitu gabe, proposamen ekonomikorik onena ez baizik besteren bat, organo emaileak eskatu ahal izango du ondasun edo zerbitzuaren peritu-tasazio bat egin dadila, eta sortzen diren gastuak pertsona onuradunaren kontura izango dira. Kasu horretan, diru-laguntza kalkulatu da erreferentziatza harturik bi balioetan txikiena dena: pertsona onuradunarena edo tasazioaren ondorioz ateratakoa

Seigarrena: Diru-laguntzaren justifikazioa.

Diru-laguntza emateko egintzan aurreikusitako baldintza eta helburuak betetzearen eta lortzearen justifikazioa egingo da DLOaren 30. artikuluan, DLOaren Araudian eta Tolosako Udalaren eta bere Erakunde Publikoen diru-laguntzen Ordenantza Orokorren aurreikusita dagoenaren arabera.

Diru-laguntza justifikatuko da «justifikatzeko kontua ordainagiriak aurkeztuta» izeneko modalitateaz, oro har, honako dokumentazio hau duela:

- a) Jarduera-memoria bat, diru-laguntza ematean ezarritako baldintzak betetzen direla justifikatzeko. Memoria horretan adieraziko da zein jarduera egin diren eta zein emaitza lortu diren, eta, ahal den neurrian, datu guztiak sexuen arabera banatuta aurkeztuko dira.
- b) Egindako jardueren kostua justifikatzeko memoria bat, non hauek jasoko diren:
 - Gastuak eta inbertsioak sailkatzen dituen zerrenda bat, hartzekoduna eta dokumentua, data eta ordainketa datak adierazita.



TOLOSAKO
UDALA

- Fakturak eta merkataritzako trafiko juridikorako balioa edo eraginkortasun administratiboa duten gainerako agiriak. Agiri horiei erantsiko zaie egindako ordainketak egiaztatzen duen dokumentazioa.
- Berreskuratu edo konpentsatu ezin daitezkeen zeharkako zergak justifikazioaren osagaiak badira, pertsona onuradunak aurkeztu beharko du erantzukizunpeko aitorten bat, zehaztu ahal izateko frogagiritan ageri diren zergetatik zein hartu litezkeen diruz lagundutako gastutzat.
- Diruz lagundutako jarduera finantzatu duten beste sarrera edo diru-laguntzen zerrenda zehaztu bat, zenbatekoa eta jatorria adierazita.

Zazpigarrena: Diru-laguntzen justifikazioa aurkezteko epea.

Diru-laguntzen justifikazioa aurkezteko epea izango da hilabete bat, jarduera gauzatzeko epea bukatzen denetik kontatuta.

Zortzigarrena: Ordaintzeko prozedura.

Diru-laguntzaren ordainketa egingo da, oro har, diru-laguntzaren onuradunak justifikazioa aurkeztu eta organo eskudunak onartu ondoren, beti ere jarduerarengatik eskumenak dituen departamentuak aldeko txostena egin ondoren.

Diru-laguntza bi zatitan ordainduko da: lehena organo eskudunaren erabakiaren jakinarazpenarekin batera eta Ogasunarekiko eta Gizarte Segurantzarekiko betebeharrak egunean dituela ziurtatzen duten agiriak aurkeztutakoan, honen zenbatekoa diru-laguntzaren % 75a izango da, eta gainontzeko % 25a, egindako gastua justifikatzen duen kontua aurkeztutakoan, beti ere hurrengo urteko urtarilaren 31 baino lehen.

Betebeharreko baldintza izango da Tolosako Udalak aurretik emandako diru-laguntzen justifikazio dokumentazio osoa aurkeztu izana, beste diru-laguntza berri batean parte hartu ahal izateko.

Ordainketak Diru-laguntzen Datu Base Nazionalari jakinaraziko zaizkio ordaindu eta hurrengo hilabetea bukatu aurretik.

Bederatzigarrena: Diruz lagundutako jardueraren publizitatea.

Entitate onuradunak diruz lagundutako jardueren publikotasuna zabaltzeko neurriak, diruz lagundutako objektuarentzat egoki direnak, dela beren forman, dela beren iraupenean, nola baitira, esaterako, karteletan, plaka oroigarrietan, inprimatutako materialetan, baliabide elektronikoko edo ikus-entzunezkoetan Tolosako udalaren irudi instituzionala edo beraren finantzaketa publikoari buruzko legendak sartzea, edo hedabideetan aipamenak egitea, eta hori dena beste finantzaketa-iturri batzuei emandako garrantzia berdinarekin.

Diru-laguntza jasotzen duen erakundeak konpromisoa hartzen du Tolosako Udalak beharrezkotzat eta interesgarritzat jotako gizarte-, hezkuntza-, kultura- eta jolas-ekitaldietara joan eta bertan parte hartzeko.

Hamargarrena: Euskararen erabilpena.

Ahozko informazioa (megafonia...) eta idatzizkoa (kartelak, oharra...) euskaraz edo elebitan egingo dira, eta azken kasu horretan euskarari lehentasuna emanda, Tolosako Udalean eta Udalerrian euskararen erabilera normalizatzeko Udal Ordenantzak xedatzen duen bezala. Euskaraz egingo dira ekintzaren izaerak edo hartzaileen berezitasunek hala eskatzen badute.



Hamaikagarrena: Genero berdintasuna.

Diru-laguntzaren onuradunak ezingo dute inolako laguntzarik jaso honako kasuetan:

- *Pertsona fisiko edo juridikoak baldin eta beren xede edo helburuak, aukeratzeko edo sartzeko sistema, funtzionamendua, ibilbidea, jarduera, antolamendua edo estatutuak emakumeen eta gizonen aukera-berdintasuneko printzipioaren kontrakoak badira.*
- *Sexu edota hizkuntza sexista erabiltzen duten pertsona fisiko edo juridikoek.*
- *Sexuaren ziozko zigor administratibo edo penala jaso duten pertsona fisiko edo juridikoak, ezta Emakumeen eta Gizonen Berdintasunerako 4/2005 Legea dela-eta hala zigortuta daudenak ere.*
- *Emakumeen eta Gizonen Berdintasunerako 4/2005 Legean edo Emakumeen eta Gizonen berdintasun efektiboari buruzko martxoaren 22ko Lege Organikoan xedatutako obligazioak betetzen ez dituzten entitate edo enpresak.*
- *Aukeratzeko prozeduran edo funtzionamenduan sexuaren ziozko bereizketaren bat egiten duten elkarteak.*

Hamabigarrena: Jarraipen batzordea.

Hitzarmen honen testuinguruan, bi aldeek adostu dute Hitzarmen honen jarraipena egiteko batzorde bat eratzea. Batzorde horren funtzioak hauek izango dira: hitzarmena ongi betetzen dela zaintzea, sor daitezkeen zalantzak argiturik; diru-laguntza jaso duten jarduera guztien memoria eta ustiapen-kontua adostea; hitzarmena betetzen ote den eta zein neurritan betetzen den aztertzea; eta bi aldeen interesekoak izan daitezkeen lankidetzak bide berriak proposatzea.

Tolosako Udalak egoki irizten dituen ikuskapen eta ziurtapenak egiteko ahalmena du, diruz lagundutako elkarteak hartutako konpromisoak betetzen dituela egiaztatzeko helburuarekin.

Hamahirugarrena: Iraungitzea.

Hitzarmen hau iraungiko da Sektore Publikoaren Araubide Juridikoaren 40/2015 Legearen 51. artikuluan zehaztutako kasuetan.

Hamalauugarrena: Lan eta zerga legeria.

Diruz lagundutako elkarteak bete beharko du, bere jarduera gauzatzean, indarrean dagoen legedian ezarritakoa, bereziki zergei, lan-harremanei, Gizarte Segurantzari edo horren aplikaziotik eratortzen den guztiari dagokienean.

Hamabosgarrena: Izaera administratiboa.

Hitzarmen honek izaera administratiboa du. Beraz, bere klausulek eta bere kasuan aplikatzekoa den legediak arautzen dute.

Hamaseigarrena: Erantzukizunpeko adierazpena.

Tolosako Udalaren eta bere Erakunde Publikoen diru-laguntzen Ordenantza Orokorraren 10.11. artikuluan xedatutakoaren arabera, DLoren 13.2 artikuluan ezarritako onuradun izateko debekuetan erortzen ez delako egiaztapena egingo da notario baten edo funtzionario publiko baten aurreko erantzukizunpeko adierazpen baten bidez.

Hamazazpigarrena: Gainerako legeria.

Hitzarmen honetan araututa ez dagoenean, bete beharko da honako lege-arau hauetan xedatutakoa: 40/2015 Legea, urriaren 1ekoa, Sektore Publikoaren Araubide Juridikoarena;



TOLOSAKO
UDALA

38/2003 Legea, azaroaren 17koa, Diru-laguntzei buruzkoa eta berau garatzeko Erregelamendua onartzen duen 887/2006 Errege Dekretua, uztailearen 21ekoa; eta Tolosako Udalaren eta bere Erakunde Publikoen diru-laguntzen Ordenantza Orokorra.

Hemezortzigarrena: Izaera pertsonaleko datuak.

Izaera pertsonaleko datuak arautzen duen legeriak agintzen duenari jarraituta, bi aldeek konpromiso hartzen dute indarrean dagoen legerian xedatutakoa, aplikatu daitezkeen guztian, beteko dutela.

Hemeretzigarrena: Baimentzea.

Entitate onuradunak espresuki ematen dio baimena Tolosako Udalari, edozein momentutan eta edozein Administrazio edo Erakunde Publikotatik zuzenean eskura ditzan hitzarmen honen bitartez eskatutako diru-laguntza lortzeko ezinbesteko baldintzak betetzen direla egiaztatzeko behar diren datuak.

Hogeigarrena: Gardentasun Ataria.

Hitzarmenaren testua argitaratuko da Gardentasun atarian eta Udaletxeko Iragarki taulan.

HIRUGARRENA.-Iragarkia Diru-Laguntzen Publizitate Sistema Nazionalera igortzea.

LAUGARRENA.- Diru-laguntza hau Gardentasun atarian argitaratzea.

BOSGARRENA.- Erabaki honen berri ematea Kontuhartzaitzari eta Kultura, Festak eta Gazteria Departamentuari.

4. ONARTZEA AL-QUDS-JERUSALEN PALESTINAREN ALDEKO ELKARTEARI DIRU-LAGUNTZA IZENDUNA EMATEKO HITZARMENA.

AURREKARIAK:

Tolosako Udaleko Gizarte zerbitzuburuak, 2018ko maiatzaren 9an egindako txostenean, beharrezkotzat jotzen du Al-Queds-Jerusalen elkarteari diru-laguntza izenduna ematea.

Al Quds-Jerusalen, Palestinaren aldeko elkarteak da eta "Not to Forget Women Society" proiektuan parte hartzeko helburuarekin ematen da diru-laguntza. Proiektu honen helburua arazo ezberdinak dituzten emakumeei zuzendutako zentro sozial bat eraikitzea da. Askok alargun eta preso dituztenak eta seme-alaben karga beraien gain dutenak dira. Gainera, degaitasuna duten umeei ere tratatu duina emateko modulua sortu dute eta aurrerapen handiak lortzen ari dira, Jenin-en, errefuxiatuentzat dagoen esparruan; Cisjordanian (Palestina) dago kokatuta. Bertako "Not to Forget Women Society" elkarteak ari da kudeatzen proiektua eta nazioarteko hainbat elkarteren bidez ari dira finantziarioa lortzen. Nazioarteko elkarlanarekin lortu nahi dute emakume hauei oinarriko beharrak asetzeko bidea egiten lagundu, gizarteratze prozesuak bultzatuz.



TOLOSAKO
UDALA

Txostenak dio, eskaera horren ondorioz, abian jarri zela beharrezko prozedura eta 2018ko martxoaren 27ko Osoko Bilkuran erabaki zela diru-laguntza izenduna ematea Al Quds Jerusalem elkarte honi.

Bukatzeko, aipatutako teknikariak Elkarte horri diru-laguntza zuzena ematea proposatu du.

Aurreko izaeraz, Diru-laguntzen Plan Estrategikoaren beharra

Azaroaren 17ko 38/2003 Legeak, diru-laguntzak erregulatzeko dituenak, honela dio bere 8.1.artikuluak:

“Artículo 8. Principios generales.

1. Los órganos de las Administraciones públicas o cualesquiera entes que propongan el establecimiento de subvenciones, con carácter previo, deberán concretar en un plan estratégico de subvenciones los objetivos y efectos que se pretenden con su aplicación, el plazo necesario para su consecución, los costes previsibles y sus fuentes de financiación, supeditándose en todo caso al cumplimiento de los objetivos de estabilidad presupuestaria.

2. Cuando los objetivos que se pretenden conseguir afecten al mercado, su orientación debe dirigirse a corregir fallos claramente identificados y sus efectos deben ser mínimamente distorsionadores.

3. La gestión de las subvenciones a que se refiere esta ley se realizará de acuerdo con los siguientes principios:

a) Publicidad, transparencia, concurrencia, objetividad, igualdad y no discriminación.

b) Eficacia en el cumplimiento de los objetivos fijados por la Administración otorgante.

c) Eficiencia en la asignación y utilización de los recursos públicos.”

Zentzu honetan, Udalbatzak 2017-2019 urteetarako Tolosako Udalaren diru-laguntzen plan estrategikoa onartu zuen. Al-Queds-Jerusalem Taldea ez dago espresuki jasota erabaki horretan.

Beraz, diru-laguntza hori Plan Estrategikoan sartu beharko litzateke, edo bere kasuan, kontuhartzaileak egingo duen txostenari lotuko natzaio.

AZTERKETA JURIDIKOA

1.-Oinarri juridikoa eta udalaren eskumena Toki-Administrazioaren Arrazionalizazioa eta Iraunkortasuna arautzen dituen abenduaren 27ko 27/2013 Legea indarrean sartu ondoren, aipatu Administrazioaren Araubidearen Oinarriak arautzen dituen apirilaren 2ko



7/1985 Legearen eskuduntzen sistema aldatu egin zen. Zehazki, ondoko aldaketa hauek eragin zituen lege berriak:

- Udal eskumenen sailkapena egin zituen: udalen eskumenen artean berezkoak, delegatuak, eta bestelakoak bereizi ditu lege berriak.
- Udalen berezko eskumenen gaiak murriztu egin ditu.
- Udalen eskumenen egikaritzea ekonomia eta finantza jasangarritasunaren irizpideen menpe jarri ditu.

Era honetan, Toki Araubidearen Oinarriak arautzen dituen apirilaren 2ko 7/1985 Legearen 25. artikulua 2. atalari idazketa berria eman zion Arrazionalizazio lege horrek, eta gainerenda bat osatu zuen, non udalek berriazko eskumenak egikaritzeko baitzituzten. Gai horien artean, 25.2 artikulua e) atalak udalek, besteak beste, behar sozialeko egoeren inguruko informazioa eta ebaluazioa jaso eta baztertze egoeran edo arriskuan dauden pertsonen berehalako arreta emateko arloan eskumenak beteko dituztela xedatzen du, betiere, Estatu eta Autonomia Erkidegoko legedian ezarritako moduan.

Euskal Autonomia Erkidegoko tokiko entitateei aplikagarria zaien Euskadiko Toki Erakundeei buruzko apirilaren 7ko 2/2016 Legearen 17. artikulua udalerrien eskumen propioak arautzen ditu eta horiek zein esparru materialetan erabili ahal izango dituzten eskumen propioak zehazten ditu; 13. atalean, zerbitzu sozialen kudeaketa, hain zuzen ere.

-Bestalde, abenduaren 5eko 12/2008 Legeak, Gizarte zerbitzuen Euskal Sistemaren helburuari buruzkoa den bere 6. artikulua ezartzen du beste sistema eta politika publiko batzuekin batera gauzatu beharreko helburu gisa, parte hartze sustapena. Era berean, bere 60. artikulua ezartzen du Euskal Autonomia Erkidegoko herri administrazioek zerbitzuen prestazioa antolatu ahal izango dutela zenbait eredu bidez, eta horien artean daude irabazi asmorik gabeko erakunde laguntzaileekiko hitzarmenak.

Euskal Autonomia Erkidegoko herri administrazioek, koordinazioko eta lankidetzako, gizarte-ekimenaren sustapeneko eta baliabideen aprobetxamendu osoko, arrazional eta eraginkorreko printzipioak aplikatuz, egoki gertatzen denetan, gizarte-ekimen pribatuak garatzen dituen gaitasunak eta baliabideak aprobetxatzen ahaleginduko.

2. Udalaren sustapen-neurriak eta diru laguntzak. Prozedura:

Toki-Korporazioen Zerbitzuen Erregelamendua arautzen duen 1955eko ekainaren 17ko Dekretuaren 24. eta hurrengo artikuluek udalen sustapen-egintza onartu eta xedatzen dute, horien barruan diru laguntzak emateko ahalmena onartzen zaielarik. Bestaldek, era orokorrean, herri-administrazioen laguntzak ondoko hiru araudi nagusi hauek arautzen dituzte:



TOLOSAKO
UDALA

- Azaroaren 17ko 38/2003 Lege Orokorra
- Lege hori garatzen duen 2006ko uztailaren 21eko Erregelamendua
- Tolosako Udalaren eta bere erakunde publikoen diru-laguntzen ordenantza orokorra.

Arautegi horien arabera, diru-laguntzak emateko prozedura arrunta norgehiagoka bidezkoa da.

Halere, zuzenean eman daitezke honako diru-laguntza hauek:

a) Toki-entitateen aurrekontu orokorretan aurreikusitako diru-laguntza izendunak, diru-laguntza horien hitzarmenetan eta araudian jasotako baldintzetan.

Hauexek dira toki-entitateen aurrekontuetako diru-laguntza izendunak: helburua, aurrekontu-zuzkidura eta onuraduna zehaztuta dituztenak aurrekontuaren gastuen orrian.

b) Lege-mailako arauen ondorioz administrazioari ezartzen zaizkion diru laguntzak edo zenbatekoak; diru-laguntza hauek emateko, arauaren beraren arabera aplikatu beharreko prozedura jarraitu beharko da. Bestalde, diru-laguntza hauek erregulatuko dituzte lege-mailako arau horrek berak eta dagokion administrazioari berariaz aplikatu beharrekoak direnek.

c) Salbuespenez, honako diru-laguntza hauek eman daitezke zuzenean: interes publiko, sozial, ekonomiko edo humanitariokoak tarteko direla justifikatzen dutenak eta halako laguntzak emateko deialdi publiko bat egitea ezinezkoa dela ere justifikatzen dutenak justifikazio arrazoituaren eta agiri bidezko memoriaren bidez.

Diru-laguntzak eman aurretik, onartuta egon behar dute haien oinarri erregulatzaileak ezartzen dituzten arauak.

Legeriaren arabera, aurrekontuetan aurreikusitako diru-laguntza izendunen kasuan, diru-laguntza emateko egintza edo hitzarmena bera diru-laguntzak emateko



oinarri arautzailatzat joko da; era berean, hitzarmenak diru-laguntzen Lege Orokorreko 28.3 artikuluko elementuak jaso beharko ditu⁷.

Diru-laguntza zuzenean emateko prozeduraren oinarritzko ezaugarria da ez dela exijitzekoa publizitatearen eta norgehiagokaren printzipioak betetzea, eta lehen aipatu bezala, Legean aurreikusitako kasu horietan soilik aplikatu daiteke. Hori bai, kontuan izan behar da ematen diren diru-laguntza guztiak haien datu-basera bidali behar direla (BDNS-Banco de Datos Nacional de Subvenciones), egintza erregistragarriak gertatu ahala bidali ere, eta helarazi behar direla egintza gertatu eta hurrengo hilabete naturala bukatu baino lehen⁸.

Era berean, kontuan izan behar da ondorengo betebeharrak hau ere⁹: Subentzio edo laguntza publiko batek deialdia egitea ez badu derrigorrezko, hura ematen duen organoak BDNSn erregistratu beharko ditu datu egituratuak, honako epe hauetan: xedapen arautzailea argitaratu eta berehala, baldin eta subentzioak edo laguntzak hartzaile zehazturik ez badu; eta ematen den momentuan, gainerako kasuetan. SNPS-DPSNk (Sistema Nacional de Publicidad de Subvenciones-Diru-laguntzen Publizitate Sistema Nazionala) berehala egingo du datu horien publizitatea, eta ez da aplikagarria izango 72 orduko epea, bosgarren xedapenean ezarrita dagoena; era berean, ez da beharrezkoa estraktua aldizkari ofizialean argitaratzea.

Xehetasunean, Legedi hau aplikatu behar da:

- Diru-laguntzen udal ordenantza. Kasu honetan, diru-laguntza izendunak udal ordenantzako 13.3.a eta 18-22 artikuluek arautuko dituzte.

— 7/1985 Legea, apirilaren 2koa, toki-araubidearen oinarriak arautzen dituena; 21., 22., 25. eta 72. artikulua.

— 1955eko ekainaren 17ko Dekretua, toki-korporazioen zerbitzuen araudia

⁷ 887/2006 Errege Dekretua, uztailaren 21ekoa, azaroaren 17ko 38/2006 diru-laguntzen Lege Orokorren erregelamendua onartzen duena; 65.3 artikulua, bigarren paragrafoa; 67.2 artikulua, bigarren paragrafoa.

⁸ 38/2003 Lege Orokorra, diru-laguntzei buruzkoa, 28.3 artikuluan agertzen den Errege Dekretua.

⁹ Diru-laguntzei buruzko 38/2003 Lege Orokorreko 20.8.b artikulua, ondorengo honetan garatua: Estatuko Administrazioako Interbentzio Orokorren Ebazpena, 2015eko abenduaren 9koa; 4.2 artikulua.

9 Estatuko Administrazioako Interbentzio Orokorren Ebazpena, 2015eko abenduaren 10ekoa; seigarren artikulua.



TOLOSAKO
UDALA

onartzen duena; II. Titulua.

— 38/2003 Lege Orokorra, azaroaren 17koa, diru-laguntzei buruzkoa; 9.2, 22.2, 28., 30. eta ondorengoak.

— 38/2003 Lege Orokorraren Erregelamendua; 55., 65., 66. eta 67. artikulua. Erregelamendu hori uztailaren 21eko 887/2006 Errege Dekretuaren bidez onartu zuten.

— Estatuko Administrazioiko Interbentzio Orokorraren Ebazpena, 2015eko abenduaren 10ean emana. Horren bidez arautzen da zer prozesu jarraitu behar den Diru-laguntzen Publizitate Sistema Nazionalan (SNPS) subentzio eta laguntzen deialdien erregistroa eta publizitatea egiteko.

— Estatuko Administrazioiko Interbentzio Orokorraren Ebazpena, 2015eko abenduaren 9an emana. Horren bidez arautzen dira Diru-laguntzen Datu-Base Nazional berriari eman beharreko informazioaren edukia eta maiztasuna.

---40/2015 Legea, urriaren 1koa, Sektore Publikoaren Araubide Juridikoa arena. Konkretuki, 47-53 artikuluetan zehaztutakoa. Batez ere, kontutan hartu behar da 48.7 artikulua dioena: "Cuando el convenio instrumento una subvención deberá cumplir con lo previsto en la Ley 38/2003, de 17 de noviembre, General de Subvenciones y en la normativa autonómica de desarrollo, que en su caso, resulte aplicable."

Prozedura, normalean, ofizioz hasiko da. Horretaz gain, prozedura ofizioz edo interesdunak eskatuta hasiko da, kasu hauetan: aurrekontuetan aurreikusitako diru-laguntza izendun bat eman behar denean, eta lege-mailako arauen ondorioz administrazioari ezartzen zaion zuzeneko diru-laguntza bat eman behar denean, baldin eta entitate emailearen eta onuradunen artean hitzarmena sinatu behar bada.

Zuzeneko diru-laguntza emateko prozedura orokorra honako hau da:

A. Departamentuko arduradunak egiaztatu behar du diru-laguntza eskaerak ondoko baldintzak betetzen dituela:

-Eskatzailea den Elkarteen Erregistroan inskribatuta dagoela, eta bere ordezkaria .

-Elkartearen Estatutuetan arautzen den xedea bat datorrela diruz lagunduko diren jarduerekin.



TOLOSAKO
UDALA

-Elkartea egunean dagoela bere betebeharreran, Gizarte Segurantzarekin eta Ogasunarekin.

-Eskatzaileak erantzukizunpeko aitorpena aurkeztuko du, diru-laguntza jasotzeko inolako debekurik edo bateraezintasunik ez duela, eta dagokion ordenantzak xedaturiko baldintzak betetzen dituela adieraziz.

Halaber, eskatzaileak zehaztu behar ditu bere eskaeraren jarduerak eta aurrekontua.

Arduradunak txostena egingo du, goian azaldutakoa egiaztatuz. Bestalde, txosten hori egingo du jakiteko ea aurrekontuan diru-izendapenik badagoen edo ez diru-laguntza izendun hori emateko.

Kontutan hartu behar da, Tolosako Udalaren eta bere erakunde publikoen diru-laguntzen ordenantza orokorrak bere 10.8.artikuluaren esaten duena: "Inola ere ezingo dute onuradun izaerarik izan Tolosako Udalak edo beren erakunde publikoek emandako diru-laguntzak justifikatzeko daudenak, behin justifikazio hori aurkezteko epea bukatuz gero, kontuan hartu gabe DL Oren Araudiaren 70.3 artikulua aipatzen duen errekerimendua egin den ala ez. Debeku horren ebaluazioa modu automatikoan egingo da, eta indarrean egongo da justifikazioa aurkeztu arte". Puntu honetan, beraz, kontuhartzaileak egingo duen txostenari heldu behar zaio.

Diru-laguntzen udal ordenantzako 20.2.b artikulua dio Kontuhartzailetzaren txostena behar dela.

B. Gobernu Batzarrak erabakia hartuko du.

C Hitzarmena formalizatuko da; bertan jasoko dira emakidadunak dituen betebeharrak eta konpromisoak diru-laguntza aplikatzeko eta justifikatzeko.

D. Ebazpenaren berri emango zaie interesatuei, legeriak agindu bezala eman ere¹⁰.

E.-Iragarkia Diru-laguntzen Publizitate Sistema Nazionalera igorriko da .Baita gardentasun atarira ere.

F. Diru-laguntza jasotzeko, dokumentazioa aurkeztu behar da haren aplikazioa justifikatzeko. Oinarrietan jasota egongo da zer dokumentazio eskatu.

¹⁰ 39/2015 Legea, urriaren 1ekoa, Herri Administrazioen Administrazio Prozedura Erkidearena; 40. eta 41. artikulua.



Prozedurari dagokionez, araututa daude berezitasun batzuk, diru-laguntza motaren arabera¹¹. Hori dela eta, hauexek izan behar dira kontuan:

Aurrekontuetan aurreikusitako diru-laguntza izenduna eman behar bada, ebazpenak edo, hala badagokio, hitzarmenak puntu hauek jaso behar ditu¹²:

- Zehaztu behar da diru-laguntzaren eta haren onuradunen helburua, aurrekontuko diru-izendapenaren arabera.
- Zer aurrekontu-kredituari egotziko zaion gastua eta diru-laguntzaren zenbatekoa, banan-banan, baldin eta onuradun bat baino gehiago badira.
- Diru-laguntza horren bateragarritasuna edo bateraezintasuna helburu bereko beste diru-laguntza, laguntza, diru-sarrera edo baliabideekiko, Estatuko edo Europar Batasuneko edozein administrazio, ente publiko edo pribatuena izan, nazioarteko erakundeena izan.
- Epeak eta moduak diru-laguntza ordaintzeko; ordainketa aurreratzeko edo konturako ordainketak egiteko aukera; onuradunek jarri beharko bermeen arauak.
- Epea eta moduak onuradunak justifika dezan diru-laguntzak bete duela zeukan helburua, eta nola erabili diren jasotako diruak.

Gainera, kontuan izango dira Udal Ordenantzako 18.3 artikuluan jasotako puntuak.

3.-Organo eskuduna: Gobernu Batzordea. Horrela dio 2015/1.278 Alkate Dekretuak "Gobernu Batzarrarengan eskuordetzea ondorengo eskuduntzak: "Diru-laguntzak eta laguntzak, konkurrentzia prozeduraren bidez ematen direnak, salbu Gizarte Ongizateko arautuak"

Beraz, bukatzeko:

Al-Quds-Jerusalen entitateak betetzen ditu diru-laguntza izenduna jasotzeko baldintzak.

11 887/2006 Errege Dekretua, uztailaren 21ekoa, azaroaren 17ko 38/2003 Lege Orokorraren Erregelamendua onartzen duena.

12 887/2006 Errege Dekretua, uztailaren 21ekoa; 65.3 artikulua.



TOLOSAKO
UDALA

Aurreko guztia kontuan izanik eta udal teknikariak egindako proposamena aztertu ondoren, Gobernu Batzar honek, aho batez eta alkateak emandako ahalmenez baliatuta,

ERABAKI DU

LEHENA.- Al-Queds-Jerusalen elkarteari diru-laguntza zuzena ematea, 9.000 euro, honela: aurrena, 6.750 euro (onartutako diru-laguntza izendunaren % 75) eta gainontzekoa, diru-laguntza justifikatzen dutenean. 2018ko aurrekontuetako 0500.491.01.23100 partidaren kargura izango da.

BIGARRENA.- Onartzea Tolosako Udalaren eta Al-Queds-Jerusalen Elkartearen arteko hitzarmena, ondoko klausulen arabera:

Lehena: Xedea.

Hitzarmen honen helburua da Tolosako Udalaren eta AL QUDS JERUSALEM elkartearen arteko lankidetzarako eremu egonkor bat ezartzea Tolosako udalerrriaren barruan.

Bigarrena: Diruz lagundu daitezkeen jarduerak.

Hitzarmen honen eremuan honako jarduera hauek sartzen dira:

- "Not to forget woman society" emakumeen zentroaren eraikineko Ateak

Hirugarrena: Diruz lagundutako jardueren finantziazioa.

Tolosako Udalak diru-laguntza baten bidez hartuko du parte hitzartutako jardueren finantzaketan. 2018ko ekitaldian, diru-laguntza hori 9.000 eurokoa izango da, 0500.491.01.23100 Udal Aurrekontuetako partidaren kargura; dena dela, diruz lagundutako entitateak beste erakunde batzuen diru-laguntzak ere jaso ditzake.

Entitate onuradunak aurkeztu duen diruz lagundu beharreko jardueraren aurrekontua, edo hari aurkeztu ondoren egindako aldaketak, erreferentzia gisa erabiliko dira diru-laguntzaren zenbatekoaren azken zehaztapena egiteko, eta kasu horretan ulertuko da pertsona edo entitatearen kontura geratzen dela diruz lagundutako jarduera osorik exekutatzeko behar den finantzaketaren diferentzia, eta, bere kasuan, finantzaketa publikoa itzuli egin beharko da jarduera horren kostu osoa gainditzen duen kopuruan.



Diru-laguntza hau bateragarri izango da helburu bereko beste diru-laguntza, laguntza, sarrera edo baliabide batzuekin, edozein administrazio edo entitate publiko edo pribatu nazionaletatik, Europar Batasunetik edo nazioarteko erakundeetatik datozenak, kalterik egin gabe honekin batera dauden diren beste diru-laguntzak erregulatzeko araudiak horri buruz agindu dezakeenari.

Gerta daitezkeen kofinantziazio-kasuek honako baldintza hauek bete beharra daukate:

a) Emandako diru-laguntzaren zenbatekoak ezin du inola ere gainditu, beste diru-laguntza, laguntza, sarrera edo baliabide batzuekin batera, diruz lagundutako proiektu edo jardueraren kostua.

Muga hori betetzen dela egiaztatzeko, egindako gastu osoa justifikatu behar da eta justifikatzeko kontuak jaso behar du diruz lagundutako jarduera finantzatu duten beste sarrera edo diru-laguntzen zerrenda zehatz bat, zenbatekoak eta beren jatorria adierazita daudela.

b) Finantzazioan soberakin bat gertatuko balitz proiektu edo jardueraren kostuarekiko, onuradunak itzuli egin beharko luke, berandutza-interesekin batera, dagokion justifikazioari ordainketa-gutunak erantsita. Soberakina itzuliko zaie diru-laguntzak eman dituzten entitateei, entitate horietako bakoitzak emandako diru-laguntzen proportzioan.

Hala ere, baldin eta Tolosako Udala bada finantzaketa-soberakinaz ohartu dena, exijituko du soberakinaren zenbateko osoa itzultzeko, berak emandako diru-laguntzaren mugaraino.

Diru-laguntzak elkarrekin bateraezinak izateak ez du galaraziko biak eskatzea, bai, ordea, biak batera jasotzea.

Laugarrena: Indarraldia.

Hitzarmen honek 2018ko urtarrilaren 1etik abenduaren 31ra arte izango ditu ondorioak. Emandako diru-laguntza behar bezala erabili dela justifikatu behar zaio dagokion departamentuari, Tolosako Udalaren eta bere Erakunde Publikoen Diru-laguntzen Ordenantza Orokorrek xedatutakoaren arabera.

Bosgarrena: Diru-laguntza jaso dezaketen gastuak.

Diru-laguntza jaso dezaketen gastutzat hartzen dira, indarrean dagoen legeriaren eta Tolosako Udalaren eta bere Erakunde Publikoen Diru-laguntzen Ordenantza Orokorren 27. artikuluko aurreikuspenen esparruaren barruan, baldintza hauek betetzen dituztenak: batere zalantzarik gabe lagundutako jardueraren izaerarekin bat etortzea; hitzarmenean ezarritako epearen barruan egitea; beren eskuraketa-balioa merkaturako balioa baino handiagoa ez izatea; eta, espresuki kontrakoa xedatu ezean, justifikatzeko epea bukatu aurretik egiaz ordaintzea.

Bakar-bakarrik onartuko dira diru-laguntza eman edo hitzarmena onartutako urtearen barruan sortzen diren gastuak.



Diru-laguntza jaso dezakeen gastuaren zenbatekoa handiagoa bada kontratu publikoen gaineko legerian kontratu txikirako ezarritako zenbatekoak baino, pertsona onuradunak gutxienez hiru hornitzailearen eskaintzak eskatu beharko ditu. Hori ez da beharrezkoa izango baldin eta, diru-laguntza jaso dezaketen gastuen ezaugarri bereziengatik, merkatuan ondasun edo zerbitzuok egin, eman edo hornitzen dituen hainbeste entitaterik ez badago, edo gastua diru-laguntza eskatu baino lehen egin bada. Alderdi horiek ziurtasun osoz justifikatu beharko dira.

Aurkeztutako eskaintzak aurkeztu behar dira edo justifikazioan edo, hala badagokio, diru-laguntzarako eskabidean. Proposamen ekonomikorik onena aukeratzeko ez denean, espresuki justifikatu beharko dira erabili diren irizpideak, memoria baten bidez.

Gutxienez hiru hornitzailearen eskaintzak aurkeztu ez badira edo aukeratu bada, behar bezala arrazoitu gabe, proposamen ekonomikorik onena ez baizik besteren bat, organo emaileak eskatu ahal izango du ondasun edo zerbitzuaren peritu-tasazio bat egin dadila, eta sortzen diren gastuak pertsona onuradunaren kontura izango dira. Kasu horretan, diru-laguntza kalkulatu da erreferentziatzen harturik bi balioetan txikiena dena: pertsona onuradunarena edo tasazioaren ondorioz ateratakoa

Seigarrena: Diru-laguntzaren justifikazioa.

Diru-laguntza emateko egintzan aurreikusitako baldintza eta helburuak bete izanaren eta lortu izanaren justifikazioa egingo da DLOaren 30. artikuluan, DLOaren Araudian eta Tolosako Udalaren eta bere Erakunde Publikoen diru-laguntzen Ordenantza Orokorren 28. artikuluan aurreikusita dagoenaren arabera.

Diru-laguntza justifikatu behar da «kontu erraztua» izeneko modalitatearen bidez, baldin eta diru-laguntzen zenbatekoa 15.000 eurokoa edo gutxiagokoa bada, eta kontu erraztuak jaso behar du, oro har, honako dokumentazio hau:

a) Jarduera-memoria bat, diru-laguntza ematean ezarritako baldintzak betetzen direla justifikatzeko, non adieraziko diren zein jarduera egin diren eta zein emaitza lortu diren.

b) Gastuen eta inbertsioen zerrenda bat, ataletan banatuta, eta identifikatuta dituela hartzekoduna eta dokumentua, zenbatekoa eta jaulkipen- eta ordainketa-datak, Tolosako Udalak emandako ereduaren moduan justifikatuko dena. Diru-laguntza aurrekontu zenbatetsi baten arabera ematen denean, zein desbideratze izan diren adieraziko da.

c) Diruz lagundutako jarduera finantzatu duten beste sarrera edo diru-laguntzen zehaztapen bat, non zenbatekoa eta jatorria adieraziko diren.

d) Aplikatu ez diren soberakinak eta horietatik ateratzen diren interesak itzuli direla dioen ordainketa gutuna.

Organo emaileak diru-laguntza egoki aplikatu ote den egiaztatuko du horren gaineko arrazoizko ziurtasuna ematen duen ordainagirien lagin bat begiratuta. Dagokion deialdian, laguntza



emateko-erabakian edo hitzar menean zehaztuko da zein den egiaztatu beharreko elementu-kopurua, ondoren adierazten diren mugak errespetatuta:

a) Emandako diru-laguntzaren zenbatekoaren 100eko 25 gainditzen duten egiaztagiri guztiak begiratuko dira.

b) Gainerako egiaztagiritatik begiratuko da elementuen lagin bat, zeina gutxienez portzentaje hau den populazio osoaren elementu-kopuruarekiko:

- Egiaztagiriak hamar edo hamar baino gutxiago badira: 100eko 100.
- Egiaztagiriak hamar baino gehiago eta hogeit hamar edo hogeit hamar gutxiago badira: 100eko 70.
- Egiaztagiriak hogeit hamar baino gehiago eta berrogeit hamar edo berrogeit hamar baino gutxiago badira: 100eko 40.
- Egiaztagiriak berrogeit hamar baino gehiago eta ehun edo ehun baino gutxiago badira: 100eko 30.
- Egiaztagiriak ehun baino gehiago badira: 100eko 20.

Zazpigarrena: Diru-laguntzen justifikazioa aurkezteko epea.

Diru-laguntzen justifikazioa aurkezteko epea izango da hilabete bat, jarduera gauzatzeko epea bukatzen denetik kontatuta.

Zortzigarrena: Ordaintzeko prozedura.

Diru-laguntzaren ordainketa egingo da, oro har, diru-laguntzaren onuradunak justifikazioa aurkeztu eta organo eskudunak onartu ondoren, beti ere jarduera dela-eta eskumenak dituen departamentuak aldeko txostena egin ondoren.

Diru-laguntza bi zatitan ordainduko da: lehena, diru-laguntzaren % 75, organo eskudunaren erabakiaren jakinarazpenarekin batera eta Ogasunarekiko eta Gizarte Segurantzarekiko betebeharrak egunean dituela ziurtatzen duten agiriak aurkeztutakoan; eta gainontzeko % 25a, egindako gastua justifikatzen duen kontua aurkeztutakoan, beti ere hurrengo urteko urtarrilaren 31 baino lehen.

Bete beharreko baldintza izango da Tolosako Udalak aurretik emandako diru-laguntzen justifikazio-dokumentazio osoa aurkeztu izana, beste diru-laguntza berri batean parte hartu ahal izateko.

Ordainketak Diru-laguntzen Datu Base Nazionalari jakinarazi behar zaizkio ordaindu eta hurrengo hilabetea bukatu aurretik.

Bederatzigarrena: Diruz lagundutako jardueraren publizitatea.

Entitate onuradunak diruz lagundutako jardueren publikotasuna zabaltzeko neurriak hartu beharko ditu, diruz lagundutako objektuarentzat egoki direnak, dela beren forman, dela beren iraupenean, nola baita, esaterako, Tolosako Udalaren irudi instituzionala edo beraren finantzaketa publikoari buruzko legendak sartzea karteletan, plaka oroigarrietan, inprimatutako materialetan, baliabide elektroniko edo ikus-entzunezkoetan, edo, bestela, hedabideetan aipamenak egitea, eta hori dena beste finantzaketa-iturri batzuei emandako garrantzia berdinarekin.



TOLOSAKO
UDALA

Diru-laguntza jasotzen duen erakundeak konpromisoa hartzen du Tolosako Udalak beharrezkotzat eta interesgarritzat jotako gizarte-, hezkuntza-, kultura- eta jolas-ekitaldietara joan eta bertan parte hartzeko.

Hamargarrena: Euskararen erabilpena.

Ahozko informazioa (megafonia...) eta idatzizkoa (kartelak, oharrak...) euskaraz edo elebitan egin behar dira, eta azken kasu horretan euskarari lehentasuna emanda, Tolosako Udalean eta Udalerrian euskararen erabilera normalizatzeko Udal Ordenantzak xedatzen duen bezala. Euskaraz egingo dira ekintzaren izaerak edo hartzaileen berezitasunek hala eskatzen badute.

Hamaikagarrena: Genero berdintasuna.

Ezin izango dute parte hartu eta ez dira pertsona edo entitate onuradun izango ondorengo hauek:

- *Pertsona fisiko edo juridikoak baldin eta beren xede edo helburuak, aukeratzeko edo sartzeko sistema, funtzionamendua, ibilbidea, jarduera, antolamendua edo estatutuak emakumeen eta gizonen aukera-berdintasuneko printzipioaren kontrakoak badira.*
- *Sexu edota hizkuntza sexista erabiltzen duten pertsona fisiko edo juridikoek.*
- *Sexuaren ziozko zigor administratibo edo penala jaso duten pertsona fisiko edo juridikoak, ezta Emakumeen eta Gizonen Berdintasunerako 4/2005 Legea dela-eta hala zigortuta daudenak ere.*
- *Emakumeen eta Gizonen Berdintasunerako 4/2005 Legean edo Emakumeen eta Gizonen berdintasun efektiboari buruzko martxoaren 22ko Lege Organikoan xedatutako obligazioak betetzen ez dituzten entitate edo enpresak.*
- *Aukeratzeko prozeduran edo funtzionamenduan sexuaren ziozko bereizketaren bat egiten duten elkarteak.*

Hamabigarrena: Jarraipen Batzordea.

Hitzarmen honen testuinguruan, bi aldeek adostu dute Hitzarmen honen jarraipena egiteko batzorde bat eratzea. Batzorde horren funtzioak hauek izango dira: hitzarmena ongi betetzen dela zaintzea, sor daitezkeen zalantzak argituz; diru-laguntza jaso duten jarduera guztien memoria eta ustiapen-kontua adostea; hitzarmena betetzen ote den eta zein neurritan betetzen den aztertzea; eta bi aldeen interesekoak izan daitezkeen lankidetzak bide berriak proposatzea.

Tolosako Udalak egoki irizten dituen ikuskapen eta ziurtapenak egiteko ahalmena du, diruz lagundutako elkarteak hartutako konpromisoak betetzen dituela egiaztatzeko helburuarekin.

Hamahirugarrena: Iraungitzea.

Hitzarmen hau iraungiko da Sektore Publikoaren Araubide Juridikoaren 40/2015 Legearen 51. artikuluan zehaztutako kasuetan.

Hamalagarrena: Lan- eta zerga-legeria. *Diruz lagundutako entitateak bete beharko du, bere jarduera gauzatzean, indarrean dagoen legedian ezarritakoa, bereziki zergei, lan-harremanei, Gizarte Segurantzari edo horren aplikaziotik eratortzen den guztiari dagokienean.*



TOLOSAKO
UDALA

Hamabosgarrena: Izaera administratiboa.

Hitzarmen honek izaera administratiboa du. Beraz, bere klausulek eta bere kasuan aplikatzekoa den legediak arautzen dute.

Hamaseigarrena: Erantzukizunpeko adierazpena.

Tolosako Udalaren eta bere Erakunde Publikoen Diru-laguntzen Ordenantza Orokorren 10.11. artikuluan xedatutakoaren arabera, DLOaren 13.2 artikuluan ezarritako onuradun izateko debekuetan erortzen ez delako egiaztapena egingo da notario baten edo funtzionario publiko baten aurreko erantzukizunpeko adierazpen baten bidez.

Hamazazpigarrena: Gainerako legeria.

Hitzarmen honetan araututa ez dagoenean, bete beharko da honako lege-arau hauetan xedatutakoa: 40/2015 Legea, urriaren 1ekoa, Sektore Publikoaren Araubide Juridikoarena; 38/2003 Legea, azaroaren 17koa, Diru-laguntzei buruzkoa eta berau garatzeko Erregelamendua onartzen duen 887/2006 Errege Dekretua, uztailaren 21ekoa; eta Tolosako Udalaren eta bere Erakunde Publikoen diru-laguntzen Ordenantza Orokorra.

Hemezortzigarrena: Izaera pertsonaleko datuak.

Izaera pertsonaleko datuak arautzen duen legeriak agintzen duenari jarraituta, bi aldeek konpromiso hartzen dute indarrean dagoen legerian xedatutakoa, aplika daitekeen guztian, beteko dutela.

Hemeretzigarrena: Baimentzea.

Entitate onuradunak espresuki ematen dio baimena Tolosako Udalari, edozein momentutan eta edozein administrazio edo erakunde publikotatik zuzenean eskura ditzan hitzarmen honen bitartez eskatutako diru-laguntza lortzeko ezinbesteko baldintzak betetzen direla egiaztatzeko behar diren datuak.

Hogeigarrena: Gardentasun ataria.

Hitzarmenaren testua argitaratuko da Gardentasun atarian eta Udaletxeko iragarki taulan.

HIRUGARRENA.- Iragarkia Diru-Laguntzen Publizitate Sistema Nazionalera igortzea.

LAUGARRENA.- Diru-laguntza hau Gardentasun atarian argitaratzea.

BOSGARRENA.- Erabaki honen berri ematea Kontuhartzaitzari eta Osasun eta Gizarte Zerbitzuetako Departamentuari.



TOLOSAKO
UDALA

5. 30/2018 FAKTURA-ZERRENDAK.

Kontuhartzaitzak **30/2018** faktura-zerrenda aurkeztu du, **164.123,38€**-koa.

Hortaz, zerrenda azterturik, Gobernu Batzar honek, aho batez, eta alkateak emandako ahalmenez baliatuta,

ERABAKI DU

LEHENA.-30 /2018 faktura-zerrenda onartzea.

BIGARRENA.- Onarpenaren berri ematea Kontuhartzaitzari.

Eta besterik gabe, bilera amaitutzat jo da 9:00etan.

ALKATEA

IDAZKARIA